



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj: 52/25), člana 5. Pravilnika o kriterijima i načinu dodjele sredstava za mobilnost mladih Općine Centar Sarajevo („Službene novine Kantona Sarajevo“, broj: 11/25) u skladu sa Odlukom o pokretnju postupka raspisivanja i provođenja javnog poziva br. 13-11-193/26 od 23.01.2026. godine Općinski načelnik upućuje

JAVNI POZIV

za dodjelu sredstava za mobilnost mladih Općine Centar Sarajevo za 2026. godinu

I OPIS PROGRAMA

Mobilnost mladih odnosi se na fizičko ili virtuelno kretanje mladih osoba s ciljem sudjelovanja u aktivnostima koje omogućavaju sticanje novih formalnih i neformalnih znanja, vještina i kompetencija. Svrha mobilnosti je osnaživanja mladih osoba, povećanje njihovih kompetencija, kao i podrška aktivnoj participaciji u društvu.

U cilju ostvarivanja javnog interesa iz navedenih oblasti, Općina Centar Sarajevo planirala je sredstva u Budžetu Općine Centar za 2026. godinu za mobilnost mladih u ukupnom iznosu od 30.000 KM. Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstva mogu ostvariti mladi koji ispunjavaju sljedeće uslove:

- Da je državljanin Bosne i Hercegovine;
- Da ima prebivalište na području općine Centar u trajanju od minimalno godinu dana do dana podnošenja zahtjeva;
- Starosne dobi od 15 do 30 godina;
- Aktivno učestvuju u edukativnim događajima, radionicama, seminarima, konferencijama, stručnim usavršavanjima, volontiranjima i slično.

II TRAJANJE JAVNOG POZIVA

Javni poziv se objavljuje na web stranici Općine i ostaje otvoren do kraja tekuće godine, odnosno do utroška planiranih sredstva za ovu namjenu.

Zahtjeve za ostvarivanje prava podnose mladi na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

III KRITERIJI ZA IZBOR KANDIDATA I IZNOS SREDSTVA:

U skladu sa Pravilnikom sredstva će se dodijeljivati za sufinansiranje troškova prijevoza, smještaja, kotizacije, vize i/ili za ishranu u vrijeme trajanja događaja.

Sredstva će se dodijeljivati u neto iznosu jednom u toku kalendarske godine, na sljedeći način:

- a) do 300,00 KM za aktivnosti unutar Bosne i Hercegovine;
- b) do 500,00 KM za aktivnosti u zemljama regiona (Crna Gora, Srbija, Kosovo, Albanija, Sjeverna Makedonija, Hrvatska i Slovenija);
- c) do 700,00 KM za aktivnosti u ostalim zemljama Europe;
- d) do 1.000,00 KM za aktivnosti u drugim zemljama, a koje nisu definisane u stavovima a), b) i c) ovog člana.

Za virtuelno učešće na aktivnostima dodijeljivati će se sredstva u neto iznosu do 200,00 KM.

Sredstva iz granta za mobilnost neće se izdvajati za troškove učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuje domaće i inostrane političke stranke.

IV POTREBNA DOKUMENTACIJA I NAČIN DODJELE SREDSTAVA:

Podnosioci zahtjeva na Javni poziv obavezni su dostaviti slijedeće dokumente (original ili kopije):

- a) Uvjerenje o kretanju za podnosioca zahtjeva;
- b) Potvrda da podnosilac zahtjeva učestvuje u događaju za koji se prijavljuje;
- c) Dokaz da troškove učešća na događaju u cjelosti ne snosi organizator, drugi nivoi vlasti ili sponzori – potvrda, uvjerenje ili izjava podnosioca zahtjeva;
- d) Pregled troškova odlaska na događaj potpisan od strane podnosioca zahtjeva;
- e) Potvrda o otvorenom računu u banci

V NAČIN DODJELE SREDSTAVA:

Služba će u roku od 7 (sedam) dana od dana prijema zahtjeva utvrditi da li su ispunjeni kriteriji za dodjelu sredstava, te obavijestiti podnosioca zahtjeva.

Na obavijest iz stava (5) ovog člana kandidati mogu u roku od 8 (osam) dana od dana prijema iste, podnijeti pismeni prigovor Komisiji.

Komisiju iz stava (6) ovog člana imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VI NAČIN PODNOŠENJA ZAHTJEVA:

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport (u daljem tekstu: Služba) elektronskim putem na email: mladi@centar.ba, preporučeno putem pošte ili na protokol Općine Centar Sarajevo, ulica Mis Irbina 1.

Zahtjev se podnosi najmanje deset (10) dana prije odlaska na aktivnost koja se finansira i može se aplicirati samo jednom u toku kalendarske godine, osim u izuzetnim slučajevima kada je drugi zahtjev opravdan, a sredstva nisu utrošena.

Za sve dodatne informacije zainteresovana lica mogu pozvati broj **telefona 033/562-384**.

Javni poziv će biti otvoren tokom cijele 2026. godine, odnosno do utroška sredstava planiranih za ovu namjenu.

OPĆINSKI NAČELNIK

Srđan Mandić